

PROTREPTICA
Pro Regnis & Provincijs &c:
NOVI REGIS.

ROMA.

Priscorum priscos Regum duc ROMA Triumphos,
Plausibus antiquis & superadde novos.

REX tuus ecce NOVUS, veteres Virtutis honore
Vincens, IMPERII fulgida sceptrā gerit.

Hoste fatigato, Requiem parat undiq; Regnis,
CÆSARIS Inviçti fert PATRIS Arma sui.

GERMANIA.

Fert FERDINANDVS florentis semina Pacis,
Horrea Virtutum pandit Amoris ope.

Quocircā Fidei Germen GERMANIA profer,
Spem firmam, veram Iustitiamq; mete,

HUNGARIA.

Pannonici GENS clara soli, violenta Tyranni
Nil metuas Scythici fulmina missa Tibi.

Nam tuus altisonis Aquilæ REX hæret in alis,
Illic securus tela trifulca fugat.

BOHEMIA.

Terra BOHEMA, diu bellis agitata molestis,
Tandem pacifici REGIS ad arma fuge.